

www.BibleForChildren.org


Matthew 26



Edo deguta
6 Darutegari
Bondo gisida,
Iesu Betani
nasida gupusina.
Yai ainda Lazarus
isinesina. Embo awa
gisi betari ata Iesu
mi betarida jiri
erorisina. Edo Iji
ainde Mary gama
muno daveda sigi tega
litre kupo da (1) ango
kundo gupusina.



Gama
berari
awawa nya dao
'nard' akutami siya
ari edo awa mina
bajinabé piedo bari
rorae. Edo Mary gama
ami Iesu da taida dasisina,
edo ainda kopuru tumi
Iesu da tai gaigesisina.
Edo embomai berari
mando doda isite ainda
muno dave awa miputera.



Ango edo Judas Iscariot, awa Yesu da embobo 12
ainda da (1), ami pirisi babainda yai maundo awamane
kondade edo Yesu kundo awamaneda
ipada piari borote esisina. Ango
tesiri pirisi babain dubodave
edo awamanemi Judas de
gano piara ango tarigari
sitera. Awatedo, embo
ami Yesu kundo
awamaneda ipada
piain begata
kakowa
esisina.



Ango tesiri ambodani Iesu
mi ro orote sisina awa, kera edo
Darutegari Bondo mando ainda siya
esitera. Edo awamane indari indero
Iesu mi bread kundo God ategedo
engegedo ambodanide piedo
sisina, "Kundo injiwo. Eiwa nato
tamo." Ango edo ami akou kundo
God da yai ategari pisido
awamanede
pipisite sisina,
"Imomane
berari eiwa
budo injiwo."



"Waini eiwa awa nato ororo.
Iji ainde na betana, ororo nato
yaida edo wotari gido, God mi
embomai jiwaeda jimbo bebegae
awa kotembedo dowaina. Edo God
mi nato ororomi ainda awara edo
tari petari teka ainda embomai
awaembo sirigaina."



Edo Badari mi sisina, "Simon! Simon! Giyo! God
mi Satan de awara tesira, imomane bawarate, dá
ango embomi wheat sirigedo bureite onyeye dodo
eira. Ata Simon, na imo embo benunu tetena, ito
gebé ari woteure. Edo iji nonde imo nato yai tenda
wareregeteta angode awa, nanonameji ito kondade
eyo awamaneda
gebé ari
okain are."



Ata Peter mi ainde sisina, "Badari, nato tumonda ari
ito yai awa mana wotaina. Na imonde daedo bundari
oroda edo betarida mamana." Edo ami mina sisina,
"Peter, nane imonde tena awa, deguta einde, kokora
aoro tae gisida, imo akuta toreite iji tamonde (3),
'Embo awa na gae,' tata."




Ango edo Iesu ae
ainda ambodani de
yai Gesemani ainda
maunsitera. Edo ami
awamanede sisina,
"Imomane ainda
anumbedo isiwo. Na imango
ounda benunu tane." Edo
imo benunu sisina, "Abba,
Mamo, rorae berari imo
kena awa ari tao. Memesida
akou eiwa dodo kundo eve
piaae etesita! Awarata, nato
jipapa awa ainyae, ata ito
jipapa awa ewasi."



Edo pirisi babain ae Parasi mane demi Rome da itoro embobo ae sima ari embobo de awa Judas da yai pipisitera. Edo awamane giami de parara ae keimo de bero Judas mi gisijido yai ainda gupusina. Ango site, boraebé ambodani da (1)mi kasiwo budo pirisida gisijiari bajinada buro embo, ainda dengoro ipa beda awa kautugesisina. Ata Yesu mi sisina, "Ango do, duduno eove!" Ango tedo embo ainda dengoro tujido gao esisina.



Ango edo embo jisi da (1) mi Yesu ipami jido kundo
maundo pirisida gisijiari bajinada mandoda
totoritera. Ata Peter aikeda awamane ambo
ambo eite gupusina.
Edo mando arapada
niyao etero aveiri
awamane anumbedo
itero Peter gundo
awamaneda
teoroda
anumbesisina.



Edo pirisi maneda
gisijiari bajina ainda
buro embo
da (1) awa embo Peter
mi dedo dengoro
kautugesira ainda
embotopo. Embo ami sisina,
"Na imo ae embo ounde buro
doda gena, awa gebé rita?"
Edo tenda Peter imo akuta
toreite ge sisina, edo boraebé
kokora aoro sisina. Awatedo,
Peter mamato eite dodo idegedo
maundo ji bajinabé sisina.




Ango edo babadegari berari erido
Yesu kundo Pilate da yai maunsitera.
Awatedo, Pilate mi Yesu de
tedogosisina, "Imo awa Judah
embomainda Daotari rita?"
Edo Yesu mi sisina,
"Inemi teta, awara."
Pilate Yesu udegain
jipapa esisina, awatedo,
embomainde tekago sisina,


"Embo emi buro beyae da ro
ae." Ata awamanemi aorogatedo
esitera, "Embo awa oregada
de! Embo awa oregada de!"




Edo Pilate mi embo awa
oregada daro betarate
awamaneda ipada pipisisina.
Ango edo awamanemi Iesu
budo gisijido maunsitera.
Edo Iesu ainda orega awa budo
idegedo maundo Yai Kopuru
Akou ainda esisina. Yai ainda
dao nei Hiburu gemi awa
Gologata.



Edo yai ainda Iesu awa
benomami oregada doritera.
Edo embo tote (2) ainde
daedo oregada doritera.
Embo nei demo
neida, edo
embo nei
demo neida,
edo Iesu
toropuda.



Iji ainde awa iji toropu eiri ijida parara kumboro
esiri muyae gundo butu dede awa apuregesisina. Awa
matawa maundo iji wareregedo turo 3:00 esisina. Edo
Judah embomainda oro kotopu
bajina doda gongo puruta awa
toropubéda keredo kupo eve
kupo eve esisina. Ango edo
Yesu mi aoro ikanadebé
gatedo sisina, "Mamo,
imo tumonda eite nato
asisi ito ipada pipitena."
Engo tedo imo
besisina.



Joseph awa nasi Eremateia
embo, Sanhedrin da badari
nei, itadaita itae do goroba
edo Pilate da yai maundo
Yesu da tamo
kundo goiain
tedogosisina.

Edo Joseph
daedo imo akuta
iji nonde God da
gisijiari butuda
gumaini awa gain
sima edo esisina.



Awatedo, Joseph mi gongo
virarae davebé awa oriedo Yesu
da tamo oregada awa teugedo
piesiri wotesiri doisina.

Ango edo ainda tamo
awa kundo maundo
banga to matu siya
ari ainda doda
torido pipisisina.

Edo banga bajina
da (1) arapada
awa apepegesiri
maundo to be awa
apuregesisina.




Edo amboda Siya baiya Ari Deguta
itae esiri, audo pirisi babain de
Parasi mane de Pilate da
yai maundo doregedo
sitera, "Embo bajina,
nakare kotembetera
awa ge pitawa embo
ami wasiride isite
sisina, 'Deguta

tamonde (3) itae ari
amboda,
na jiari
erana.'"



"Awatedo awamane maundo banga to
beda ganuma ainda dedegari
kariwa pipisitera. Edo
awamanemi itoro
embobo yai ainda
pietero banga to
simagesitera."




Edo Oena Apari Deguta itae esiri
amboda, deguta pura tuturoda
sipo teka ateiri, Mary nasi
Magadala eutu de
Mary neide banga to
gaintedo guputera.
Edo giwo!

Badari da
anela utuda
edo wotesiri
jijira bajinami
butu jipisina.



Edo imo gundo banga to beda
ganuma apepegesiri demonda
mambiri ainda tamonda
anumbesisina. Edo itoro
embobo awa imo gido
adu edo ipatai
jipetero durudo
dá embo betari
ango esitera.




Ata anelami eutu tote de sisina,
"Adu eove. Na gotena, imomane
Iesu awamanemi oregada
dorara awa gain ewa.
Embo awa God mi jiri
erira dá siutara ango.
Awatedo ainda itae.
Gumbuwo, yai ainda
Badari awa durari
isiri



jirira awa gave."



Ango edo eutumai burigibé banga to
idegedo adu de yawa bajina de ainda
ambodanida yai bino piain tuputera.
Edo awamane ainda ambodanide
ge taro gorote mauntero, giwo,
Iesu awamane tamundo sisina,
"Oro! Oro!" Edo awamane
atutumbedo baongo dadari
edo



ainda tai jido imo
tumondebain esitera.





Edo amboda, ambodani 11 akuta doregedo indari
indero Yesu awamaneda yai idegedo ge okain sisina,
"Embo neneimi na gido imondemane tetero gewa awa,
God mi na betarida jiri erena. Ata itomane gebé ari
nato yai piaé edo imomane do okainde! Awatedo,
awamane gebé ae etewa." Awatedo, Badari mi ainda
ambodanide ge tedo itae edo, ainda amboda,
God mi imo jiri utuda visido maundo
God da ipabeda anumbesisina.



God mi embomai butu dededa dubobé
burisina, awatedo ami ainda Mai
dakaima awa pipisisina, berari ainmi
gebé ari ainda yai pipiteira awa
betainyae, ata wasiri natopo
itari barate.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Binandere Bible (bhg) © 2014, Wycliffe Bible
Translators, Inc. All rights reserved

<https://www.bible.com/bible/1407/MAT.1>

©2026 Bible for Children, Inc.

www.M1914.org

www.bibleforchildren.org

